

Health and Safety Legislation in Canada

Aniaktitailigiyyit ovalo Aniktitailigiyyit Maligaliuligutikhait Kanatami – Pingahut Nangminiigutikhait Havaktiit

On this page

[Havaktiit Nangminiigutikakaat?](#)

[Hunauyut pingahut kitkaniitut
nangminiigutait havaktiit?](#)

[Hunauyut ukautait “Nangminiigutait
Nalungilutik”?](#)

[Hunauyut ukautait Nangminiigutainnik
Ilaukatautjutit](#)

[Hunauyut ukautait “Nangminiigutait
Kingilaalutik”?](#)

Havaktiit Nangminiigutikakaat?

lihik, Tamamik havaktut havaniaktut Kanatami nangminiigutikaktut aniktitailigiyyinit havakviit. Tamamik munagiviit Havagaagutimini Aniaktitailigiyyit ovalo Aniktitailigiyyit Pikuyakyuakaktut (ovaluniit aatjikutaanik) atukhugit havakviani munagitjutikaktut atugutait (IRS). IRS pitkuhimayut tamamik havaktut ovaluniit ilauyut havakviinik munagitjutikaktut inminik aniaktitailigiyyit ovalo aniktitailigiyyit ilaukatiminut. Hamna munagitjutait ilauyut Havakviit, Havaktiit, Nangminiigutikaktut, Katraktiligiyyit, Katraktutiligiyyit ilanganut, Katraktiligiyyit havakviit ovalo Niuvikviit.

Hunauyut pingahut kitkaniitut nangminiigutait havaktiit?

Havagaagutimini Aniaktitailigiyyit ovalo Aniktitailigiyyit Pikuyakyuakaktut ovaluniit aatjikutait munagiviinik pilaaktut tamamik havaktiit pingahunik nangminiigutainnik:

1. Nangminiigutikaktut nalungilutik aniaktitailigiyyinik ovalo aniktitailigiyyinik.
2. Nangminiigutikaktut ilaukataulaalutik angigutikhainik aktuktainut aniaktitailigiyyit ovalo aniktitailigiyyinik.
3. Nangminiigutikaktut kingilugit havakugumik aktulaaktainut aniaktitailigiyyit ovalo aniktitailigiyyinik ovalo havakatiminut.

Hunauyut ukautait “Nangminiigutait Nalungilutik”?

Nangminiigutit nalungilutik ukakhimayut havaktiuplutit, nangminiigutikaktutit tuhaktitaulutit havakviinit nalungitainik ovaluniit aniktilaagutinik havakviani ovalo tunilutik tuhagutikhainik, ayoikhaitjutikhanik, ilihagutikhanik, ayoikhaiyagutikhainik ovalo atanguyakalutik munagiyaanganik aniaktitailigiyiinit ovalo aniktitailigiyiinit. Hamna tuhagutikhait tuniyauniaktut havaliktinatit.

Ilaa; tuhagutikhait pilaaktut hanalgutinik aniktitailigiyikaktunik, makpigaanik havagutikhait ovaluniit maliktakhainik. Ayoikhaitjutait ukalaaktait ovaluniit titigakhimalutik ovalo tunilugit atanguyanit, aalamit havakatinit havakviinik ovaluniit hilataanit kagitauyakut ovaluniit havakvianit pihimagumik naamagutikhainik havakviit ovalo havaktiit havakviani.

Ilaa; ilanganiitut tuhagutikhait ilauniaktut (keelinikangilutik):

- Havakviit aniktilaagutait naunaiyakhimaniaktut ubluk tamaat havakvianit, iniktigutait havakviani kimilguugutait, piniaktait ubluk tamaat atuliktinagit kimilguulugit hanalgutikhait, aniktitailigiyiit atugutait hanalgutit ovalo inikutait, tuhaktilugit ihumaalugiyait hanalgutiit, maligutikhait aalatiinik havakvia (ilaa; havaktut inikhaitumi, avaliitumik havaktut, kingikt).
- Aniktitailigiyiit havagutait pikuyakhait, maligutikhait ovalo maliktakhait atuinaktainik, pihimaniaktut tamamik maligaliuligutainik ovalo havakviinik.
- Ayoikhaktut maligutikhait, ayokhaktut kimaavikhait, munagitjutikhait maligutikhainik, tuhaktigutait ovalo kimilguugutikhait maliktakhait.

Pihimayakhait WHMIS, Havakviit Aniktitailigiyiit Hanalgutait Tuhagutikhainik Atugutikhainut, ukainaktait havaktiit nangminiigutait nalungilutik aniktilaagutainik hanalgutait ovalo hunavaluit havaktainik halumaktitit.

Nangminiigutait nalungilutik ilauniaktutlu tuhaktitaulutik atuklugit ovalo ilautilugit atugutait ikayugiaganik havaktiit ayoikhaitjutikhainut aalatkiinik ukautainik atuklutik, takutialaitut atuktait, angiyumik titigakhimalugit, nipiliukhimalugit, tuhalaktumut alganik atuklutik ovaluniit ukautaulutik.

Hunauyut ukautait Nangminiigutainnik Ilaukatautjutit

Hamna nangminiigutait pipkailaaktait havaktiit ilaulaalutik atugutainut havakviit aniaktitailigiyiinik ovalo aniktitailigiyiinik.

Havaktiit tuniniaktut ilaukatautjutainik hunavalunik pihimayait havakviit imaatut:

- Ilaukataulutik ilanganut aniaktitailigiyiit ovalo aniktitailigiyiit katimayigalaanut (Havakvia pikaniagumik).
- Ilaugumik aniaktitailigiyiit ovalo aniktitailigiyiit havakvianit tuniyauhimagumik.

- Tuhaktilutik ihumaalugiyainik nani pihimagumik aniaktitailigiyiinik ovalo aniktitailigiyiinik aniktilaaktait anialaagutait ovalo aniktilaagutait ovalo havakatiminiilu.
- Pitkuhimalutit katimayigalaanut ovaluniit havakviinut kanuk havakvia naamakhilaaktut.

Takulutit aalakiinik OSHmit Kiutjutait makpigaat mikhaanut Aniaktitailigiyiit ovalo Aniktitailigiyiit Katimayigalaat tuhafaagumaguvit katimayigalaat munagiyiit ovalo havaangit.

Hunauyut ukautait “Nangminiigutait Kingilaalutik”?

Nangminiigutikaktut kingilutik atukhimayut hivulimi malguunit nangminiigutait pingikumik pilaagutinnut aniaktitailigiyiit ovalo aniktitailigiyiit. Pikatalaaktutit hamani nangminiigutainik angikpata ovalo ihumainaklugit ovaluniit ihumagikataklugit kanuk ihuakhimaaktut havakviit ayokhagutainik.

Kihimi, havaktiit ikhiyukhaugitut atugumagumik nangminiigutainik kingilaalutik ukipgigumik havakvia mikhaanut aniaktitailigiyiit ovalo aniktitailigiyiinut, ovaluniit havakatiminut. Nangminiigutait kingilaalutik ilanga ilauniaktut amigaivyaktunik.

Takulugit OSHmi Kiutjutait mikhaanut nangminiigutait kingilaaktainik tuhafaagumaguvit.

Fact sheet first published: 2023-08-10

Fact sheet last revised: 2023-08-11

Disclaimer

Although every effort is made to ensure the accuracy, currency and completeness of the information, CCOHS does not guarantee, warrant, represent or undertake that the information provided is correct, accurate or current. CCOHS is not liable for any loss, claim, or demand arising directly or indirectly from any use or reliance upon the information.